

LÊPIRSÎNA PENABERİYÊ BI RIYA VÎDYOYÊ

Tu hatî gazîkirin bo lêpirsîna penaberiye li Daîreya Koçberan ku bi riya vîdyoyê tê kirin. Vê şîretnameyê baş bixwîne ku behsa maf û peywirên te dike di lêpirsînê de. Eger pirsên te li ser şîretnameyê hebin, tu dikarî wan di lêpirsînê de ji karmendê Daîreya Koçberan bikî.

Mebesta lêpirsînê çi ye?

- Te dawa penaberiye li Fîrlandayê kiriye. Di lêpirsînê de dê wan sebebên ji te bipirsin ka tu çima dawa penaberiye ji Fîrlandayê dikî û çima nikarî vegeerî welatê xwe.
- Giring e ku tu hemû sebebên dawaya xwe di vê lêpirsînê de bibêji. Eger hinek sebebên din piştî vê lêpirsînê peyda bibin yan bixwazî li ser sebebên pêştir agahiyên nû bidî, di zûtirîn demê de Daîreya Koçberan yan dadgeha birêvebera dawaya te haydar bike.
- Di lêpirsînê de tenê dawa penaberiye tê meşandin. Eger te endamên malbata xwe li Fîrlandayê hebin, divê tu dawa îqameyeke malbatî bikî. Divê tu dawanameyeke din ya bi pare pêşkêş bikî.

Di lêpirsînê de çi mafên te hene?

- Te maf heye di lêpirsînê de parêzer an avukat bi kar bînin. Parêzer bi xwe biryara beşdarbûna xwe dide.

- Divê tu bi xwe avukatekî peyda bikî. Eger avukatekî peyda neke, em dikarin dîsa jî lêpîrsînê bêyî avukat bikin.
- Di lêpîrsînê de terciman heye. Karê terciman ew e ku her tiştê gotî bi bêalîti wergerîne. Terciman dikare li wî cihî be yan jî li ser telefonê yan vîdyoyê be.
- Lêpîrsker, terciman û parêzer xwedî wezîfeya parastina surran in anku nabe ew tiştên di lêpîrsînê de bihîstî bo kesên din aşkere bikin. Tiştên ku tu behs bikî, dibe tesîrê li dawanameyên endamên malbata te jî bikin. Em dikarin tiştên tu behs dikî ji endamên malbata te jî veşêrin eger aşkerebûna wan dibe zîyanê yan metirsiyê bigihîne te yan kesûkarên te. Dikarî di lêpîrsînê de nêrîna xwe li ser bibêjî.
- Belgenameyên li ser doza te bi surrî tên parastin.

Di lêpîrsînê de çi berpirsiyarên te hene?

- Li ser berpirsiyariya te ye ku behsa wan halet û sebebên bikî ku çima dawa penaberiye dikî. Bo te baş e ku bi rastî behsa hemû sebebên heyî di lêpîrsînê de bikî.
- Bo te baş e ku herwiha behsa pîrsgirêkên dijar jî bikî. Mumkin e ku ew çaresaz bin li ser biryara ku bidin te.
- Eger tişteke nizanî yan neyê bîra te, hewl nede ku bersivekê ji bal xwe ve çêkî. Dayîna agahiyên nerast dikare bibe sebebê bawernekirina ji dawa te.
- Di lêpîrsînê de nasnameya xwe rast bibêje. Eger belgenameyên ku bikarin pê nasnameya te bipeyitînin, divê hewl bidî wan peyda bikî û bigihîni Daîreya Koçberan. Ev belge bo nimûne belgeyên nasnameyê û belgeyên seferkirinê ne. Lê Daîreya Koçberan nikare te mecbûr bike wan peyda bikî eger ew bibe sebebê metirsiyê li ser te yan kesûkarên te. Tu dikarî dûvre agahiyên nasnameya xwe tenê bi belgenameyên resmî yên hikûmî biguherîni.
- Daîreya Koçberan agahiyên nasnameya te di sicila karûbarên biyaniyan de qeyd dike ku tomareke hikûmî ye û di meşandina karûbarên dawanameyên te dixebitîne.
- Dayîna agahiyên kesî yên nerast ji karbidestan re yan pêşkêşkirina agahiyên nerast bo tomarkirina di sicilên fermî de tawan e ku tê cezakirin.
- Bizane ku dayîna agahiyên nerast yan veşartina agahiyên rast dikare bibe sebebê wê yekê ku îqameya dayî te ji te bistînin yan birêvebirina dawa te aloztir bibe.

Çawa xwe bo lêpîrsînê hazir bikî baş e?

- Berî lêpîrsînê hemû şîretên karbidestan dayî te bixwîne û bîne bîra xwe. Giring e ku tu belavokên derbarê rêkarên Dublînê binasî. Eger ew belavok li ba te nebin, dikarî wan ji

malpera Daîreya Koçberan peyda bikî: migri.fi/esitteet. Belavok li bin sernavê "Turvapaikka ja Dublin-menettely" (Penaxwazî û rêkara Dublînê) ye.

- Eger ji ver sebekek maqûl hêvî bikî ku terciman an lêpirsker jin an mêr be, berî roja lêpirsînê bibêje karmendekî kampa xwe. Karmend dê hêviya te bigihîne Daîreya Koçberan. Eger tu li yekîneya girtî yan li dezgeheke din bî, behsa meseleyê ji karmendên vehewîngeha xwe re bibêje. Daîreya Koçberan biryar dide ka sebeb maqûl e.
- Eger halê te yê laşî yan ruhî wisa be ku tesîrê li ser lêpirsînê bike, bibêje karmendekî kampa xwe. Karmend dikare bi izna te berî lêpirsînê wê bibêje Daîreya Koçberan. Eger tu li yekîneya girtî yan li dezgeheke din bî, behsa meseleyê ji karmendên vehewîngeha xwe re bibêje.
- Xwarinê yan pare bo firavînê li gel xwe bîne. Eger îmkana te hebe, tu dikarî bo xwarinê biçî cihekî din jî.
- Dermanê bi rojê bo te lazim bin li gel xwe bîne.
- Ronkirinên zêdetir berî lêpirsînê bişîne Daîrey Koçberan. Eger bo lêpirsînê kêm dem mabe, hemû wan belgenome û îsbatan li gel xwe bîne ku têkilî dawa te ne.
- Zarokan li gel xwe neîne eger ew jî nehatibin gazîkirin bo lêpirsînê. Eger tu hewceyî çavdêriya zarokan bî, berî roja lêpirsînê bibêje kampa xwe.
- Berî dema xwe were.

Roja lêpirsînê wiha bike

- Nikarî bêyî sebebekî rewa dema lêpirsîna xwe paş bixî. Eger roja lêpirsînê nexweş bî, yekser navenda pêşwazîkirina xwe agahdar bike. Divê tu gotareke hemşîreyan yan bijîşkan derbarê nexweşiya xwe bigihîni Daîreya Koçberan ne derengtir ji 1 hefteyê ji roja lêpirsînê ve. Eger bêyî sebebeke maqûl li lêpirsînê hazir nebî, dikarin bêyî lêpirsînê biryar were dayîn.
- Tenê kesên gazîkirî û kesên ku biryar pêştir Daîrey Koçberan qebûl kirine, dikarin beşdarî lêpirsînê bibin,
- Eger bixwazî alîkarek li gel te bê, divê tu yan ew pêştir bi nivîskî ji Daîreya Koçberan daxwaz bike. Wek din lêpirsker biryarê dide ka alîkar dikare beşdar bibe yan na. Alîkar ne parêzer e û beşdarî ronkirina meseleyê nabe.
- Lêpirsker karmendekî Daîreya Koçberan e. Ew dê li salona çavdêriyê gazî te bike.
- Dengê lêpirsînê tê qeydkirin. Li odeyê herwiha dikare kameraya çavdêriyê ya qeydker hebe.
- Lêpirsîn hemû rojê vedikêşe. Di navberê de bêhnvedana firavînxwarinê û hinek bêhnvedanên din hene. Tu dikarî herdem dawa bêhnvedanê bikî.
- Eger hewce be, dikarin rojeke din lêpirsînê bidomînin. Hingê dê careke din gaziyeke bo te bê.

Di lêpîrsînê de çi dibe?

- Destpêkê lêpîrsker dibêje ka di lêpîrsînê de çi dibe û piştrast dike ku tu maf û peywîrên xwe fehm dikî. Bipirse eger tiştekî fehm nekî. Bibêje eger ji terciman fehm nekî.
- Eger pêştir bi dîrûdirêjî li ser nasnameya te nehatibe pîrsîn, lêpîrsker wan pîrsan dike. Ew dipirse ka malbata te kî ne, tu li kû derê jiyayî û bi çi rê hatî Fînlândayê. Lêpîrsker herwiha hin tiştan ji te dipirse daku bizane ka dawanameya te li Fînlândayê were lêkolîn yan na.
- Piştî hingê dipirse tu çima ji welatê xwe reviyayî û çima nikarî vegerî. Tiştên ku bi serê te hatine bi rastgoyî behs bike û heta mumkin be bi hûrgilî.
- Lêpîrsker çend pîrsên deqîqker derbarê wan wan tiştan dipirse ku behs dikî. Bi rastgoyî bersivê bide. Bibêje eger tu nizanî yan nayê bîra te.
- Daîreya Koçberan dikare di lêpîrsînê de derbarê mijarên tesîrker li ser biryarê ji te bipirse. Bo nimûne, eger şik hebe ku te li Fînlândayê tawanek kiriye yan tu hatî hukimdan, dibe ku tesîra wê li ser biryara Daîreya Koçberan hebe. Daîreya Koçberan di lêpîrsînê de derfet dide ku tu nêrîna xwe li ser bibêjî.
- Hinek pîrsên giştî ji hemû penaxwazan tên kirin. Lêpîrsker herwiha dipirse ka raya te li ser derkirina ji welatî û qedexekirina vegerînê çi ye.
- Hevpeyivînkê bi riya vîdyoyê lêpîrsînnaeyê bi re bi temamî yan beşeke wê dixwîne eger bi nêrîna Daîreya Koçberan hewce be. Eger hevpeyivînkê bi re lêpîrsînnameyê bi temamî nexwîne, rojeke diyarkirî dide te ku dikarî heta hingê verastkirin û lêzêdekirina bişînin. Em ê bi posteyê kopîyeke lêpîrsînnameyê ji re bişînin daku li ba xwe hilgirî.

Daîreya Koçberan çawa biryarê dide?

- Li ser dawa te mumkin e ku mafê penaberîya navneteweyî yan îqameyê ji ber sebebên insanî yan ji ber qurbaniya bazirganiya bi mirovan bidin te.
- Daîreya Koçberan biryarê li ser agahiyên te di lêpîrsîna penaberiyê de dayî û belgeyên din yê pêşkêşkirî dide. Daîreya Koçberan dikare bo biryarê li agahiyên giring ji çavkaniyên aşkere li bigere.
- Eger hewce be, Daîreya Koçberan dikare lêkolînê li ser orijînaliya belgeyên te dayî bike. Karbidestên welatê te ti agahiyê ji wan wernagirin û ew lêkolîn nabin sebêbê xeteriyê li ser te yan mirovên te.
- Eger hevpeyivînkê hemû lêpîrsînnameyê di hevpeyivînê de nexwîne, dê rojeke diyarkirî bide te bo şandina zêdekirin û verastkirinan. Dikarî ronkirinê zêdetir heta roja bîyardanê bişînin. Agahdar be ku ronkirin belkî di biryarê de neyê raçavkirin. Ronkirinan bi nivîskî bişîne.
- Eger paşî bixwazî zêdetir agahî yan belgeyan pêşkêş bikî, bi nivîskî bişîne. Em li ser telefonê behsa mesela te nakin, çunkî em nikarin piştrast bin ka telefonker kî ye.

- Eger dawa te bêt redkirin, dikarin te vegerînin û hatina bo Fîrlandayê û welatên din yê hevpeymanên Schengenê li te qedexe bikin.
- Eger dawa te were redkirin yan dawanameya xwe betal bikî, dikarî dawa alîkariya vegera dilxwazane bikî. Ji navenda pêşwazîkirina xwe şîretan bipirsî yan li agahiyan û têkili-riyan li malpera şîretên vegere ya Daîreya Koçberan binêrîn migri.fi/paluu.
- Eger te hin sebebên nû yê penaxwaziyê hebin, wan di zûtirîn demê de ji karmendan re bibêje gava ku edî dawa te ya penaxwaziyê ne çalak e. Eger di zûtirîn demê de mijar û sebebên penaxwaziyê pêşkêş nekî, dibe ku wan li ber çavan negirin gava ku dawayeke nû ya penaxwaziyê bikî. Divê te sebebek hebe ku çima ew pêştir pêşkêş nekirine. Sebeb divê wisa be ku te bi xwe nikariye tesîrê lê bikî. Piştî hingê Daîreya Koçberan dê lê binêre ya dawaya te qebûl bike yan na.